



THESE
PHILOSOPHICÆ

JUXTA MENTEM PERIPATETICORUM PRIN-
CIPIS, AC ANGELICI PRÆCEPTORIS

Ex Logica, & Physica Selectæ

ILLVSTRISS. DOMINO ABBATI

D. MUNDILLO URSINO


D I C A T Æ

A CLERICO D. ANTONIO FEVLI PROPUGNATÆ

Sub assistentia

A. R. P. F. THOMÆ MARIA TROISY


Ordinis Prædic. Philosoph. ac Theolog. Lectoris.



Beneventi in Conventu S. Dominici Die 17^{ma} Mensis
Anno 1710.

Superiorum permisso.

ILLUSTRISSIME ABBAS


 Philosophicas has Theses, Primos ingenii
 mei partus in lucem editurus, & ad eas pro-
 pugnandas, in Physio-Logicorum tanto-
 rum arenam, descensurus; Ius, Fasque
 consui, ne temeritatis nota inurerer, il-
 lius patrocinium implorare, qui posset potē-
 tia eas defendere, nobilitate condecorare; illique illas nun-
 cupare, qui Sopihiæ amator, illis magis, magisque adi-
 piscendis accendi posset, meritoque, philosophica dici pos-
 sent, quæ Sopihiæ pbilian ejus pectori succenderent. In quem
 autem animum intenderem, ut votorum compos fierem,
 specialis mea erga te servitus, Illustrissime Abbas, præsidi-
 am, & dulce decus nostrum, potentiam clarum, nobilitate
 conspicuum, Scientiarumque ardore Adolescentem matre
 virtute succensum, ob oculos posuit.

Enim verò Quis præsentius opem ferre, excellentius
 nobilitatem largiri, patrociniumque libentius præstare
 valebit, nisi Tu atavis edite regibus, fortibus, claris, no-
 bilibus, Sanctorum sobole, qua non modò Regia, sed &
 Ecclesia propugnata, immortales Tibi glorias peperere?
 Quorsum enim Hesperia Fratrem tuum Excellentiissimum
 Ducem tot tantisque, condecoravit fascibus, Teque Ec-
 clesia in hæreditatis Domini partem per Clericatum voca-
 vit, nisi ut Ille mundanam, ecclesiasticam Tu tutantes

*Hierarchiam, totum mundum atlanticis vestris bumeris
sustentaretis? Illeque Ducum suorum victoriis triumphos
Tu Prælatorum tuorum infulis, purpuras novas adderes
Quapropter rem conformans nomini, verè Mundillus dici
potes, cum ad Evangelicum mundum re parandum natus
esse videaris. Ec quis Majorum tuorum vestigiis insists,
Eminentissimi Aunguli tui Viri doctissimi ac Sanctissimi
Præfulis, collapsaque, Sipontina Casenatensis, Bene-
ventaneque disciplinæ Vindicis, Reparatorisq; zelantissi-
minon obscuri Cardinalis; exemplis promozus, magis magis-
que bonis artibus, Scientiisque adipiscendis ardentior Te,
quem in Palladis amorem hæ philosophica theses, præ viri-
li, succendant? Si ergò studiis suis cognoscitur puer, (qui-
dam ait) & qualis futurus sit prima rudimenta ostendunt,
Quis, ex inclytæ indolis tuæ generositate, scientiarumque
ardore, non præsentit, quali ornamento, & decori Domui
tuæ, Totique Ecclesiæ futurus sis? qui ex incunabulis cha-
rismata meliora semper emulâs domestica Excellentie No-
bilitatque propriam addere, & studuisti, & studies.*

*Calcaria itaque hac philosophica, Tibi Scientiarum in
Studio currenti, addita, ne dedigneris, nuncupatasque has
tibi Theses, in grati animi specimen, benigno aspice vultu,
principium enim Sapientiæ, posside Sapientiam, quia qui
custodit Sapientiam, custodietur ab ea, à qua Studiorum
tuorum incrementum implorans, nuncupo tibi Nestoris
annos. Vale.*

Tuæ Celsitudinis

*Devotissimus Cultor
P. Trosy.*

EX

non ità debere fingi , ut illis nullimodè possint Theologica credi , & explicari , & ideò pro principiis rerum naturalium in fieri ponimus materiam, Privationem, & Formam in facto esse verò solum Materia , & Forma omnia componentes .

12- Materia autem prima licet habeat actum metaphisicum per quem distinguitur ab omni eo quod materia non est : non habet tamen propriam existentiam , nec divinitùs eam habere potest priùs , quam habeat formam , & licet per formam existat , non tamen appetit omnes simul habendas , sed præsentibus fruitur , futuras successivè desiderat .

13. Forma quæ est actus primus materiæ aliquando educitur , aliquando non , de materiæ potentia , si enim materialis est , semper educitur , si cœlestis , vel elementalìs , hæc in prima sui productione non fuit edueta , ~~sed~~ concreata cum materia (licet potuisset educi) : si est spiritualis , ut anima rationalis , nec educitur nec potest educi , sed à solo Deo creatur .

14. Quæcumque verò illa sit quando materiæ unitur per unionem ab utraque distincta unitur licet totum quod ex utraque conjuncta resultat , ab utraque non distinguitur .

15. Privatio verò quæ est principium per accidens inchoans generationem solum in fieri quando primò non est , tunc principiat illam in actu secundo .

L I B E R II.

De Natura, & Causis .

1. **N**atura quæ est , principium , & causa motus & quietis ejus in quo est per se , & non secundum accidens convenit toti composito , scilicet formæ totali , Formæ activè , Materiæ passivè , Animæ rationali , etiam secundum gradum rationalitatis , & Cœlis . Recteque ab ipsa distinguitur violentum , & Ars ; cum hæc nec propria virtute , ne instrumentaliter , sed solum applicando activa passivis , naturæ opera efficere possit .

2. Causa , quæ est origo alicuius per modum influxus , scilicet derivationis , ex qua natum est aliquid consequi , secundum dependentiam in esse ; quadruplex est , Materialis , Formalis , Efficiens , Finalis , & licet quæcumque illa sit , semper prior sit intel-

telligenda causato, non tamen quælibet est nobilior illo. Dux tamen causæ ejusdem generis & ordinis, nec de potentia absoluta Dei possunt eundem producere effectum, sive divisivè, sive conjunctim sumptæ, Et substantia creata licet sit causa, non tamè est immediatè operativa. Causæ autem finalis constitutum est sola bonitas objecti, ejus verò cognitio, est solum conditio sine qua non. Quæcumque verò causa creata, ut causet in actu secundo indiget Dei auxilio præveniente concursu, eam determinantis, ex simultaneo comitem se ei adiungentis.

LIBER III.

De Motu, & Infinito.

Motus, qui est actus Entis in potentia prout in potentia solum realiter modaliter distinguitur à passione, & actione; quæ si immanens est in agente, si transiens in passio subiecta. tur; Et licet motus continuus infinitas habeat partes, Infinitum tamen in actu, nec secundum magnitudinem dari potest etiam de potentia Dei absoluta.

LIBER IV.

De Loco Vacuo, & Tempore.

Locus intrinsecus, qui constituitur per præsentiam, quam mobile habet ad locum, alius est circumscriptivus, alius definitivus, alius super naturalis. In uno autem eodemque loco circumscriptivo possunt divinitus plura corpora coadunari, licet idem corpus nec divinitus possit esse in duplici loco. Vacuum autem si summatur pro loco nullo repleto corpore, licet naturaliter non detur, potest tamen a Deo in duci in rerum natura; si verò pro spacio, seu corpore extenso; nec divinitus fieri potest, ut sit corpus, & non sit extensum in longum, latum, & profundum. Tempus est numerus motus, secundum prius, & posterius, & per instans existit non per partes disertque ab Ævo, & Æternitate, per hoc quod Æternitas mensurat res immutabiles tam secundum substantiam, quam secundum acciden-
tia

II
tia, tempus verò mensurat mutabilia, & secundum substantiam,
& secundum accidentia,

LIBER V.

De Motus Distinctione.

Motus per se solum ad tria prædicamenta datur ad Quantitatem, Qualitatem, & Vbi, ad cætera verò non; sumit autem motus suam contrarietatem unitatem, & diversitatem specificam à termino a quem non à quo. numericam vero à mobili termino, & tempore: unde nequit idem moveri duobus motibus contrariis.

LIBER VI.

De Compositione Motus, & de Continuo.

In continuo dantur verè actû indivisibilia tam continuativa, quam terminativa, quæ sunt etiam realia, & positiva, quæ tamen non se solis conflant continuum, sed partibus intermediis, punctis solum connexis, actû, & realiter inter sese distinctis, actûque habentibus veram, & formalem rationem partium. Partes proportionales, quæ rursus formaliter sunt in continuo, non sunt dicendæ actû infinitæ; sed solum in potentia, quia tamen nequit in eis assignari prima aut ultima, quantum est ex hac parte, essent infinitæ in actû nisi obesset modus confusus, & indeterminatus existendi illarum. Res successivæ incipiunt per ultimum non esse, desinunt tamen per primum non esse, quia extrinsecè incipiunt, & desinunt; permanentes verò per primum sui esse incipiunt, perque primum non esse naturaliter desinunt. Viventia, & non viventia habent terminum intrinsicum suæ magnitudinis, ita ut nequeant illum naturaliter excedere, Inanimata tamen terminantur intrinsicè verius parvitatem.

LIBER VII.

De Principio Motus.

Requiritur necessaria distinctio inter movens, & mobile, nequit enim idem per se primo realiter movere se ipsum; unde gravia, & levia moventur a generante, per acci dens tamen à removente prohibens, numquam tamen à se ipsis. Et movens efficienter principaliter, ut possit suum effectum producere, necesse est, ut saltem contactu virtuali attingat passum circa quod operatur.

LIBER VIII.

Ex motu circulari infertur Æternitas mundi & primi motoris :

Mundum fuisse ab æterno. catholicè substineri nequit nequæ quantum ad res permanentes neque quantum ad successivas. Permanentia verò licet non fuerint, potuere ab æterno produci, & in æternum Dei beneplacito possunt durare: quandocumque autem inceperint, & quantumcumque durent, optimè Aristotiles ex earum motu arguit cognitorem primi Motoris Unici, Immobilis, Æterni, Simplicis, & Infiniti, cui per infinita sit gloria seculorum secula Amen:

F I N I S.